

THEATRELIFE.GE

KA ▾

ქართული თეატრის ელექტრონული არქივი

ბათუმის თეატრის მეორე პრემიერა

სტატია მომზადდა საქართველოს შოთა რუსთაველის თეატრისა და კინოს სახელმწიფო უნივერსიტეტის პროექტის „თანამედროვე ქართული სათეატრო კრიტიკა“ ფარგლებში.

დაფინანსებულია საქართველოს კულტურის სამინისტროს მიერ.

სტატიაში მოყვანილი ფაქტების სიზუსტეზე და მის სტილისტურ გამართულობაზე პასუხისმგებელია ავტორი.

რედაქცია შესაძლოა არ იზიარებდეს ავტორის მოსაზრებებს



21.04.2026

გუზაზ მერელიძე ბათუმის თეატრის მეორე პრემიერა

ბათუმის თეატრმა მოგვიანებით გახსნილი სეზონი აქტიურად დაიწყო. ჯერ დავით კლდიაშვილის „დარისპანის გასაჭირის“ განსხვავებული ვერსია შემოგვთავაზა, ხოლო შემდეგ ალექსი ჩილდინაძის გახმაურებული პიესა „უხერხემლო“, რომელიც რეჟისორმა გაგა გოშაძემ განახორციელა.

ამ პიესამ რამდენიმე წლის წინ მიხეილ თუმანიშვილის ფონდის კონკურსის მთავარი პრემია დაიმსახურა და იმთავითვე მიიქცია თეატრების ყურადღება (იგი რამდენიმე თეატრმა დადგა). ასეთი წარმატებული სადადგმო ისტორიის შემდეგ, მკითხველი იფიქრებს, დასაბუთებულად, რომ ძალიან მნიშვნელოვანი სპექტაკლები დაიდგა, თუმცა აღებული თემა და მისი გადაწყვეტა სადავოა. პიესის მთავარი პრობლემა ტრასგენდერებისა და საზოგადოების ურთიერთობაზე დაფუძნებული. ქართველები, ეროვნული მენტალიტეტიდან გამომდინარე, ვერ (არ) ეგუებიან იმას, რაც რეალურად არსებობს. მთელ დედამიწაზე და, ბუნებრივია, ჩვენშიც არიან განსხვავებული ორიენტაციის ადამიანები. ნაწილი გმობს და სასწრაფოდ გამოსწორებას უბრძანებს არატრადიციული ორიენტაციის მიმდევართ, ნაწილი მხელად, მაგრამ მაინც აღიარებს მათ არსებობას. მეტიც, გაგებით ეკიდება და პატივს სცემს მათი ცხოვრების წესს. საერთო ჯამში, წინააღმდეგობრივი პროცესია: მხელად გასაცნობიერებელი, მაგრამ რეალური. განსხვავებული ორიენტაციის წარმომადგენლებისადმი უარყოფითი დამოკიდებულება აქვს ეკლესიასაც. თუმცა პიესაში მღვდელი პატიობს, წესსაც უგებს და სასაფლაოზე დასაფლავების ნებასაც რთავს. ფაქტია, თეატრში ამ პრობლემას თანაგრძნობითა და გაგებით უყურებენ. ამავე თემას ეხებოდა ფილმი „და შემდეგ ჩვენ ვცეკვავდით“ (2019 წ., შვეიცია-საფრანგეთი-საქართველო, რეჟ. ლევან აკიმი), რომელმაც დიდი აჟიოტაჟი გამოიწვია.



სპექტაკლის მესვეურებმა ფაქტობრივად ბეწვის ხიდზე გაიარეს და ეს უაღრესად საყურადღებო პრობლემა გააზრებულად მიიტანეს მაყურებელამდე, თუმცა ის (მაყურებელი) ვერ ხედავს მიზეზთა მიზეზს, რომლებმაც ელენე (დაბადების სახელი ლევანი) ამ სტატუსამდე მიიყვანა, არამედ უფრო საგრძნობია პატიების, გაგებისა და ვითარებასთან შეგუების ტენდენცია. საყურადღებოა ისიც, რომ პიესის სიუჟეტი რეალურად მომხდარ ამბავს ეყრდნობა, რომელიც კახეთში რამდენიმე წლის წინ მოხდა და დარამატურგმა მისი განზოგადება სცადა.

ასეთი საკამათოა პიესის შინაარსი. სპექტაკლის საშემსრულებლო დონე მაღალია. მხედველობაში მაქვს, მსახიობთა მიერ, გულწრფელად და ემოციურად შესრულებული როლები, მიზანსცენებში გამოკვეთილია გმირთა ხასიათები, რაც რეჟისორ გაგა გოშაძის მსახიობებთან მუშაობის შედეგია.

მოქმედება ნახევრად ჩაზნელებულ სცენაზე მიმდინარეობს. პერიოდულად ისმის წვიმის, ჭექა-ქუხილის ხმა, რაც მოქმედების დრამატულობას ფიგურალურად გამოკვეთს. სცენოგრაფ აკაკი ჯაშის მიერ შექმნილი სამყარო ოჯახის უკიდურეს გაჭირვებას გამოხატავს, რაც გმირთა რთულ და გამოუვალ ვითარებაზე მიუთითებს. საქსენლაზე დაფიქრებულად მჯდარი მართა თავის სულიერ და საზოგადოებრივად მერყე მდგომარეობას განასახიერებს. სწორედ ამ ვითარების თითქოსდა შესალამაზებლად იწყებს მათი ცეცხლადის გმირი სახლის დალაგებას. იატაკზე ჭუჭყისა და

ფარდებზე ჩრჩილის კვალს ხედავს და მის გასუფთავებას ცდილობს უცხო თვალის დასანახავად. ჩანტიდან იღებს ფოტოს, ვადაგასულ მატარებლის ბილეთს, რომლებიც გარდაცვლილ შვილს ეკუთვნის. მართა ამ საქმიანობით ცდილობს ნერვიულობის გადაფარვას, რადგან სამიმომარბე არავინ მოდის. ამას ემატება მისი სკოლიდან დათხოვნის ამბავიც - შვილი ვერ აღგიზრდიაო და მასწავლებლობის მორალური უფლებაც არ გაქვსო... ჩამტვრეული შუშების კვალიც სოფლის მაცხოვრებელთა პროტესტის შედეგია ტრანსგენდერი შვილის გაზრდისთვის. ამ დროს შემოდის ტიტე კომახიძე - მამა, რომელიც დაბნეული და დაფიქრებულია. სწორედ მის კისერზე გადადის სასახლის შეკვრაცა და ეზოში საფლავის გათხრაც, ვინაიდან თანასოფლელებს არც სათანადო მასალა აღმოაჩნდათ და ჩვეულებრივ სასაფლაოზე დაკრძალვაც აუკრძალეს. სამანს იქით იკრძალება განსხვავებული, ყველასაგან გარიყული ადამიანი, სიცოცხლეში უარყოფილი, მკვდარიც მოძულეებული. მამის თითქოსდა გამოუვალა მდგომარეობა სახალხო შერცხვენითა და თავმოყვარეობის შეღავითაა განპირობებული. ცოლისგან უხერხემლოდ შერაცხული, შვილის გვაძთან მდგარი, საკუთარ თავში მაინც პოულობს ძალას, რომ უკანასკნელი პატივი მიაგოს. მსახიობი გადმოსცემს გმირის მორალურ და საზოგადოებრივ პასუხისმგებლობას ასეთი ოჯახური ვითარების გამო. არ სიამოვნებს ცოლის დამამცირებელი სიტყვები და ფიზიკურადაც ეხება მას. იგი მოვლენებისადმი უშუალო დამკვიდრებულების შენარჩუნებას ცდილობს, მართა კი უფრო აგრესიულ და დრამატულ განწყობას გამოხატავს. მაია ცეცხლაძე გულწრფელად გადმოსცემს დედის განცდებს. იგონებს, როგორ სცემდნენ მის შვილს სოფლის ბიჭები, ვერც იმას არკვევს, ხუთი წლის წინ სახლიდან გაქცეულმა შვილმა თავი მოიკლა, თუ სხვის დახმარებას შეეწირა.. დრამატულია მისი განცდა, როდესაც ჰყვება, ჩუმად ქალაქში თვალთვალისას ვიღაც ქალმა როგორ შეურაცხყო მისი შვილი და როგორ გააფრთხილებით ეძებრა მას. ამ სცენაში დედის ინსტიქტი აპოგეას აღწევს, რადგან შვილთან ერთად მისი პიროვნებაც გაუფასურებულია. ეს ტანჯვისა და გამართლების შინაგანი წინააღმდეგობა არ ასვენებს მართას და ამ მდგომარეობის ახსნას ცდილობს.

დაძაბული ვითარების კონტრასტია ჩუმ გარემოში გარედან შემოჭრილი მხიარული მუსიკა... „მართალთა“ ზეიმი საოცრად შემადრძწუნებელს ხდის ადამიანურ ტრაგედიას.... შექმნილი მძიმე ვითარების მიუხედავად, მართა მაინც გამოსავალს ეძებს. სწორედ თანაგრძობის ძიებამ მიიყვანა იგი მღვდლამდე, რომელიც სპექტაკლში მეორე სართულზე (მათგან ამაღლებულ ადგილზე) ცხოვრობს (რაც ფიგურალურად დღერთის უზენაესობაზეც მიგვანიშნებს და მის ნებას დედამიწაზე მღვდელი ახორციელებს). ამ დაკეტილ კართან მართას განწირულობამ მღვდელი - კაზა კობალაძე გამოადვიდა. ეს სცენა ძალიან ჩაბნელებულია და მღვდლის მიერ გადაწყვეტილების მიღება არ ჩანს. იქმნება შთაბეჭდილება, რომ იგი უფრო მექანიკურად მოქმედებს, ვიდრე რაიმე სულიერი განცდის შედეგად. აქ ადამიანური თანაგრძობა მეტია. წესის აგებისას ჩუმად არის, მშობლებთან დიალოგი ლაკონიურია და სასაფლაოზე დაკრძალვის უფლებასაც აძლევს, თუმცა არ ჩანს მისი გადაწყვეტილების შეცვლის მიზეზი, თუ რატომ მიდის საკუთარი თავისა და სოფლის წინააღმდეგ. გაუგებარია მისი არჩევანი: იგი ღვთიური მიტევებითა თუ თანაგრძობითაა (იქნებ, დედის თხოვნითაც) განპირობებული. შესაძლოა დრამატურგმაც დააკლო ამ მოტივაციას ახსნა.

ვითარებას გარდაცვლილის მეგობართა მოსვლაც ამძაფრებს. მათ წითელი კაბა მოაქვთ, რომელიც გადაღებზე ეცვა და დაუბარებია კიდევაც - თუ რამე მომივა, ეს კაბა ჩამაცვითო. ნინო - მარიამ გველესიანის (ბათუმის ხელოვნების უნივერსიტეტის სტუდენტი) შესრულებით - თამამი გოგოა, რომელიც ბილწისტყვაობასაც არ ერიდება, მაგრამ მისი როლი და დანიშნულება მოქმედებაში არ იკვეთება. არ ჩანს, როგორი მეგობრობა აკავშირებდა გარდაცვლილთან. იგი ცდილობს მიცვალებულის სახელის დაცვას მშობლებისგან და მასთან ერთად მოსულ მეგობარ დანიელისგან მეტ აქტიურობასა და პრინციპულ დამოკიდებულებას მოითხოვს, რომ მიცვალებულს წითელი კაბა ჩააცვან და ამით მისი ცხოვრებისეული არჩევანი აღიარონ.

დანიელი, თორნიკე ბარამიძის შესრულებით, თავიდანვე დარცხვენილია და ცდილობს მშობლებს არ შეეწინააღმდეგოს, თუმცა ელენესთან ურთიერთობის გამხელის მოტივაციას მამასთან მაინც ახერხებს. მსახიობს სჭირდებოდა მეტი შინაგანი განცდის ჩვენება, შეფარული გრძობების მაყურებლამდე მიტანა და საკუთარი დამოკიდებულების უფრო გასაგებად გამოვლენა. თითქოს დამნაშავედაც გრძობს თავს, თუმცა ისიც უნდა იგრძნობოდეს, თუ რამ განაპირობა ახალგაზრდა ბიჭის თანატოლისადმი ლტოლვა. უფრო მოტივირებული უნდა იყოს მისი ქცევა, როდესაც ასეთ დრამატულ ვითარებაში მობილურში ელენეს სიმღერას უსმენს - ეს მის გრძობებთანაა დაკავშირებული, თუ არსებული დაძაბული ვითარების განსამუხტავად.

ტიტე კომახიძის გმირი - მამია ძალიან რთულ მდგომარეობაშია. გარემოება მასზე ემოციურად მოქმედებს - გეცხოვრა ნორმალური ცხოვრებით და ცოლ-შვილიც გეყოლებოდაო, - დანანებით ჩაილაპარაკებს. იგი შვილის ყრმობის თვისებების გახსენებას ცდილობს, რომ ამით შეეხება იგრძნობს. ბრაზიც თანდათან უნელდება და მართასაც არაფერს ეუბნება, როდესაც ის ოთახში შვილისთვის წითელი კაბის ჩასაცემლად შედის. მართასთვის მოულოდნელია მღვდლის მიერ სასაფლაოზე დასაფლავების ნებართვის მიცემა, გაგონილის არ სჯერა, მაგრამ მასში იმედის ნაპერწკალი იღვიძებს და მამიაც დანიელს მეგობრულად ეუბნება - ცხედრის გადასვენებაში მომეხმარეო. მშობლები შეეგუენ რეალობას და ელენეს (ლევიანის) მეგობრებსაც შეურიგდნენ. ამის მაჩვენებელია ფინალში მართასა და ნინოს ერთად ჩუმად დგომა. სინათლე ქვრება და მთელ სცენაზე განათების იმიტაციით პეპლების ფრენას ვხედავთ, იმ პეპლებისა, რომლებიც ელენეს ტანზე ეხატა...

ფინალი, მართლაც, პოეტურია, მაცურებელი თანაგრძნობით ივსება და ემოცია ტაშით გამოიხატება.

ფოტო: თორნიკე თავაძე

